

四庫全書

子部

欽定四庫全書

子部

普濟方卷一百六十五

詳校官太醫院吏目臣周世泰

編修臣倉聖脈覆勘

總校官庶吉士臣何思鈞

校對官典簿臣劉景岳

謄錄監生臣沈廷棟

欽定四庫全書

普濟方卷一百六十四

明

周王朱橚撰

痰飲門

總論

夫飲有四何謂師曰有痰飲有懸飲有溢飲有支飲問曰四飲之證何以為異師曰其人素盛今瘦水走腸間漉漉有聲謂之痰飲飲後水流在脅下欬唾引痛謂之懸飲飲水過多水行歸於四肢當汗出而汗不出身體

疼重謂之溢飲其人欬逆倚伏短氣不得睡其形如腫
謂之支飲 凡心下水者築築而悸短氣而恐其人
眩而癩先寒即為虛先熱即為實故水在於心其人心
下堅築築短氣惡水而不欲飲水在於肺其人吐涎沫
欲飲水水在於脾其人少氣身體盡腫水在於肺脅之
下滿噎而痛水在於腎心之下悸 夫病人卒飲水多
必暴滿喘凡食少飲多水停心下甚者則悸微者短氣
脈雙弦者寒也皆大下後體虛耳脈偏弦者飲也脈飲

不弦但喜喘短氣支飲亦喘而不能眠加短氣其脈平也溢飲形不發作無熱脈微煩滿不能食脈沉滑者留飲留飲者脇下痛引缺盆嗽轉甚其人欬而不得臥引項上痛欬者如小兒癰瘕狀夫胃中有留飲其人短氣而渴四肢歷節痛其脈沉者有留飲也心下有留飲其人背寒冷大如手病人肩背上引此皆有溢飲在胃中久者缺盆滿馬刀腫有劇時此為溢飲所致也膈上之病滿喘欬吐發則寒熱背痛惡寒自泣目出其人振振

咽癰心有伏飲病人一臂不隨時復轉移在一臂其脈
沉細此非風也必有飲在上焦其脈虛者為微勞榮衛
氣不周故也冬自瘥

一本作久
久自瘥

病痰飲者當用溫藥和

之 人之有痰飲病者由榮衛不清氣血敗濁凝結而
成也內則七情汨亂藏氣不行鬱而生涎涎結為飲為
內所因大小青龍桂枝防風五苓通氣外有六淫侵胃
玄府不通當汗不泄蓄而為飲為外所因茯苓蒼朮八
味參蘇或飲食過傷嗜慾無度叫呼疲極運動失宜津

液不行聚為痰飲屬不內外因十棗葶藶大黃大小半
夏湯控痰散惟氣與血能生諸病痰者津液之異名人
之所恃以潤養肢體者也血氣和平關絡條暢則痰散
而無氣脈閉塞腕竅凝滯則痰聚而有痰之所以發動
者豈無自而然則風寒暑濕調攝失宜以至諸熱蒸鬱
啖食生冷煎燂鯉鱸鹹辛動風發氣等輩皆能致痰也
是痰作恙為喘為嗽為壅為嘔為眩暈為風癰為狂迷
為怯悸或吞酸或短氣或痞膈或腫脹或寒熱或疼痛

或攣蹙或癰閉痰實主之人知痛生於氣血孰知痰涎之流注亦能纏滯而為痛乎如頭風證眉稜眼角俱痛投以風藥不效投以痰藥收功如患眼證赤腫羞明而痛與之以涼劑弗療與之痰劑獲愈如酒家手臂痛重時或麻痺二陳湯加片子薑黃下白丸子消飲九倍木九輩每每就安如關家胃骨撲傷刺痛無已散血之劑罔功續以自己搜便飲之須臾吐痰其痛立止此皆痰涎作痛之明證也然而頑痰滿胃上脘填塞其高者因

而越法當從權取吐或者津液不守所以痰多吐甚痰
脫則精竭而斃矣療痰之法理氣為上和胃次之若風
若寒若濕若熱如前數者亦當推尋所受之因和胃謂
何涎者脾之液也胃之津也脾胃一和痰液自散故治
痰多用半夏蓋半夏能利痰故也 治法懸飲當下之

溢飲當發其汗支飲則隨證汗下痰飲則用藥從小便
利之痰飲之痰皆氣不順而致之當順氣為先分道次
之氣順則津液流通痰飲自下亦有腎氣虛寒不能攝

養腎水使邪水溢上多吐痰唾又當調之以八味丸最得其宜王叔和云腎寒多吐蓋腎為水之官腎能攝水腎氣溫則水液流下腎氣虛寒則邪水溢上其藥用山茱萸山藥輩取其補附子肉桂取其溫茯苓澤瀉取其利理亦當矣或因酒後停飲而嘔者二陳湯丁香煮散主之或脾胃為物所傷而停積痰飲五奪丸破飲丸主之凡人病痰證發者比前論更多有三顯證共成五也一曰風痰二曰熱痰三曰濕痰四曰酒痰五曰食

痰諸痰在於上焦毒薰於頭者諸陽之會首也故令病人頭重目澁涕唾稠粘或欬嗽喘滿時發寒熱可用赤小豆湯吐之吐後各隨其證而治之除風去熱導濕化痰者可服通聖加半夏導氣之劑如新暴風痰者體寒飲冷熱痰火盛制金濕痰者停飲不散可服加減連翹飲子除濕丹無憂散亦有酒痰者解毒去熱宜以三聖丸主之五者食痰可用漢防已丸丹砂丸而治之若依法服之決有神効 凡富貴之人痰嗽多是厚味

所致內經云所謂厚味則發熱可服通聖散加半夏以止嗽更服人參半夏丸化痰墜涎止嗽定喘貧乏之人多感風冷寒濕內經云秋傷於冬濕生欬嗽可服寧神散寧肺散加白朮之類若欬極面赤煩惋半胸此火化乘肺也宜詳辨之 積年痰飲漸成風口眼喎斜語不通蘇合薑汁調半蓋青州九子有神功 凡中痰一時諸證蜂起則為困篤倉卒之間藥不可入當用白梅擦開牙關或以半夏末或皂角末吹鼻或灌陳白梅汁以

收其痰或服真麻油調麝香以疏其氣或用稀涎散勝
金丸略吐其痰却以蘇合香丸薑汁調灌下三服更以
牛黃清心丸薄荷汁化開與服或有熱者用竹瀝調尤
好氣纔正却隨證施藥

一切痰飲

附論

病源痰飲者由氣脈閉塞津液不通水飲氣停在胃膈
結而成痰又其人素盛今瘦水走腸間漉漉有聲謂之
痰飲其為病也胃脅脹滿水穀不消結在腹肋內水入

腸胃動作有聲身體重多唾短氣好眠胃背痛甚則上
氣欬逆倚伏短氣不得臥其形如腫是也脈偏弦為飲
浮而滑為痰

方

大五飲丸

出千金方

治主五種一曰留飲停水在心下二

曰澼飲水澼在兩脇下三曰痰飲水在胃中四曰溢
飲溢在膈上五臟間五曰流飲水在腸間搖動有聲
夫五飲者由飲酒後及傷寒冷水過多所致

從蓉

兩一

遠志

兩一

苦參

兩一

藜蘆

兩一

烏賊骨

兩一

白朮

兩一

甘遂

兩一

大黃

兩一

石膏

兩一

括萎根

兩一

桔梗

兩一

半夏

兩一

紫苑

兩一

五味子

兩一

前胡

兩一

芒硝

兩一

桂心

兩一

苑花

兩一

當歸

兩一

人參

兩一

貝母

兩一

茯苓

兩一

芍藥

兩一

大戟

兩一

葶藶

兩一

黃芩

兩一

薯蕷

分三

甘草

分三

細辛

分三

附子

分三

巴豆

枚三十

厚朴

恒山

右為末蜜丸梧子大每服三九日三稍加之以知為度

旋復花丸

出千金方

治癖飲痰飲結兩脅腹脹滿羸瘦不能食食不消化喜唾乾嘔大小便或澀或利腸中動搖作水聲腹內熱口乾好飲水漿卒起頭眩欲倒脇下痛

旋復花

五分

桂心

五分

枳實

五分

人參

五分

甘遂

分三

吳茱萸

分四

細辛

分四

大黃

分四

黃芩

分四

葶藶

分四

厚朴

分四

芫花

分四

橘皮

分四

乾薑

分六

芍藥

分六

白朮

分六

茯苓

分八

狼毒

分八

烏頭

分八

礬石

分八

右為末蜜和為丸如梧桐子大酒服五丸二日後加
以知為度延年方無白朮狼毒烏頭礬石細辛黃芩
厚朴吳茱萸芫花橘皮甘遂有皂角附子各二分蜀
椒防葵杏仁各三兩乾地黄四分一方用米

生胃九

出瑞竹堂

治脾胃不足痰多嘔逆不思飲食此藥

以南星粟米黃土為主蓋謂南星醒脾去痰粟米養胃黃土取其以土養土性味溫美進飲食化痰之要劑真良方也

大天南星

四兩用真黃土半斤將生薑汁和黃土成劑包裹南星慢火煨香透去土不用

將天南星切碎焙乾

丁香

一兩

木香

一兩

厚朴

一兩去皮

薑汁炒

神麴

一兩

麥芽

一兩炒

橘紅

一兩

白豆蔻仁

一兩

縮砂仁

一兩

青皮

一兩去皮

半夏麴

二兩

沉香

半兩

人參

半兩

甘草

半兩

粟米

一升

二斤和皮搗碎取
自然汁浸粟米蒸

右為細末法丸如菉豆大每服七十丸不拘時薑湯

下

前胡湯

主胃背氣膈上熱口乾痰飲風氣頭旋

前胡

三兩

枳實

三兩

細辛

三兩

杏仁

三兩

皮

芳薊

三兩

防風

三兩

澤瀉

三兩

麻黃

三兩

乾薑

三兩

芍藥

三兩

茯苓

四兩

神 扶

生薑 四兩

桂心

甘草 各四兩

右切以水九升煮取二升六合分三服微汗忌生冷油膩豬羊肉麪海藻菰菜生葱生菜酢物

海藏五飲湯

出拔萃方

治一留飲心下二澼飲脇下三痰

飲胃中四溢飲膈上五流飲腸間凡此五飲酒後傷寒飲冷過多故有此疾

旋覆花

人參

枳實

陳皮

白朮

茯苓

厚朴

半夏

澤瀉

豬苓

前胡

桂心

芍藥

甘草
各等分

右剉每兩分四服水二盞生薑十片同煎至七分取
清溫服不拘時候忌食肉生冷滋味等物因酒有飲
加葛根葛花縮砂仁

大茯苓湯

出千金方

治主胃中結痰飲癖結臍下眩滿嘔

逆不得食亦主風水

茯苓

三兩

白朮

三兩

當歸

二兩

橘皮

二兩

附子

二兩

生薑

四兩

半夏

四兩

桂心

四兩

細辛

四兩一作人參

右九味㕮咀以水一斗煮取三升去滓分三服

薯蕷湯 治七情藏氣不行鬱而生涎涎結為飲隨氣

上厥伏留陽經中心忪悸四肢緩弱燐然面熱頭目

眩冒如欲搖動

薯蕷

四兩

人參

四兩

麥門冬

四兩去心

前胡

二兩

白芍藥

二兩

熟地黃

二兩

枳殼

三分麩炒去穢

遠志

三分去心

薑汁
製炒

白茯苓

一兩半

茯神

一兩半

半夏

一兩一錢

湯洗
去滑

甘草

半兩

黃芪

一兩

右剉散用千里水一盞半薑七片秫米一升煎七分
去滓溫服食前

葛花解酒湯

一名葛花解醒
湯出醫方大成

治飲酒太過嘔吐痰逆

心神煩亂胃膈痞塞手足戰搖飲食減少小便不利

縮砂

半兩

葛花

半兩

木香

半錢

白豆蔻

半兩

橘皮

半錢

白朮

二錢

乾生薑

二錢

連花青皮

三分
去穢

白茯苓
一錢半

豬苓
一錢半
去皮

澤瀉
二錢

神麴
二錢
炒

人參
去蘆頭

右為細末秤和勻每服三錢匕白湯調下得微汗酒
病去矣

消痰咳嗽丸

出御藥
院方

治消痰理氣除咳嗽利咽膈

白朮

二兩

牽牛
二兩

檳榔
二兩

白芷
二兩

厚朴

二兩
製

半夏
五兩
洗

陳皮
四兩
去白

乾薑
一兩半

人參

一兩

木香
一兩

青皮
一兩

赤茯苓
二兩

枳殼

三兩麴
炒去穢

右為細末麴糊為丸如梧桐子大每服五七十九食

後生薑湯下

祛風丸

出御藥
院方

治清膈化痰降氣消穀宣通蘊滯調

順三焦

車前子

三兩

赤茯苓

三兩
去皮

木香

三兩

皂角

三兩
炒

檳榔

三兩

枳殼

二兩麴
炒去穢

陳皮

二兩
去穢

青皮

二兩
去白

半夏

二兩
湯洗

乾生薑

半兩

大黃

三兩

黑牽牛

六兩
生

右為細末熟飯為丸如梧桐子大每服五十丸至七十九食後生薑湯下

開結枳實丸

出御藥院方

治宣導凝滯消化痰飲升降滯

氣通行三焦滋榮心肺灌溉腎肝補助脾元養胃轉行百脈去風結惡氣流暢大小腸主中痞痰逆惡心嘔噦隔實酒醉不解宿物停積兩脇膨悶咽嗑不利咳嗽等疾

枳實

半兩
麩炒

白朮

半兩

半夏

半兩
湯洗

天南星

半兩

炮

白礬

半兩
枯

苦苧蘆

半兩

大黃

半兩

青皮

半兩
去白

木香

二錢

黑牽牛

二兩
頭末

大皂角

一兩

去皮子
酥炙

旋復花

一兩

右為末生薑汁煮麴糊為丸如梧桐子大如單腹脹
上喘涎多四散腫滿食後生薑湯下三四十丸以為
度婦人乾血胸膈實腫滿或產後有傷面目浮腫小
便不利生薑葱白湯下黃疸病溫酒下

剋効神聖餅子

出御藥
院方

治積痰停飲留滯不散胃中

噎悶脅肋刺痛噫醋吞酸不嗜飲食及素有陳積攻衝膈腕痞悶宜服之

安息香

半兩
研

南乳香

半兩
研

石三稜

半兩
剉

川薑

半兩
炮製

硃砂

半兩
水飛

丁香

半兩

木香

半兩

乾漆

一兩
杵碎

炒令
烟盡

高良薑

一兩

京三稜

一兩
炮剉

蓬莪茂

一兩

炮
剉

粉霜

一兩
研

右為末和勻用石腦油溫就和丸如萊豆大捻作餅子每服五餅至七餅食後溫熱水下

參蘇飲

出仁
存方

治痰飲積停胸中嘔吐痰涎眩暈怔忡

噦逆及痰氣中人停留關節手足譫曳口眼喎斜半身不遂食已則吐頭痛發熱狀似傷寒

前胡

三分

人參

三分

紫蘓

三分

茯苓

三分

桔梗

半兩

木香

半兩

半夏

半兩

陳皮

半兩

枳殼

半兩

甘草

半兩

右判散每服四錢水一盞半姜七片棗一枚煎至七分去滓空心服噦者加乾薑服腹痛加芍藥一方加

乾葛

紫沈丸

出御藥院方

治宿食不化痰飲留滯心腹脹滿脇

肋疼痛胃膈痞滿噎塞不通嘔噦吞酸噫氣寒熱並

宜服之

丁香

一兩

青皮

半兩去白

陳皮

半兩去白

京三稜

半兩

剉炒

蓬莪茂

半兩剉炒

縮砂仁

半兩

桂

半兩

去麤皮

硃砂

一錢飛研

木香

三錢

烏梅

四兩和核搗碎去子

巴豆

三十枚去皮心出油別研

右為細末將巴豆礱砂和令極勻麴糊為丸菴豆大
每服十五丸至二十九食後溫生薑湯下

人參枳朮丸 治痰

人參

半兩

枳殼

炒三兩

木香

三錢

半夏

五錢

茯苓

半兩

神麴

炒三錢

白朮

一兩

麥蘖

炒三錢

南星

半兩

右為細末水浸蒸餅為丸如菴豆大每服八九丸茶
湯送下不拘時候亦能消食

十寶散 治消飲化痰丸至夜上牀亦氣喘促比十二
夜輕得睡些少十四日希賢胗脈令服後藥如常服
養脾九

初服

紫蘇子

中

人參

中

枳殼

中

半夏

上

良薑

中

枳實

中

甘草

下

白朮

前胡

陳皮

次服

木香_中

檳榔_中

半夏_上

陳皮_中

枳實_中

草菓_中

桔梗_中

良薑_中

甘草_下

後服本道前方加星半服効本道又令服見現丸方
在後

人參

木香

良薑_少

三稜

南星

半夏

陳皮

砂仁

蓬朮

華澄茄

片黃

右已上三方用薑棗煎服

導飲丸 治風痰風濕膈腕痞悶停飲不消頭目昏眩

手足麻痺聲重鼻塞神困多唾志意不清常服去痰

涎進飲食

荆三棱

三兩二錢炮

蓬莪茂

三兩二錢剉

陳皮

一兩半去白

青皮

一兩半去白

白朮

一兩半

白茯苓

一兩

改作一兩半去皮

枳殼

一兩半炒去穢

檳榔

一兩

木香

一兩

半夏

三錢改作一兩

右為細末水麴糊為丸如梧桐子大每服五十丸漸
加至一百丸食後生薑湯下忌豬肉蕎麥等物一方
加神麴麥芽各二兩炒一方加乾葛

木香枳實丸

治食飲停積胸膈痞悶消痰祛風宿食

遲化

木香

一兩

枳實

一兩
麴炒

乾生薑

一兩

赤茯苓

二兩

去皮

青皮

二兩
去白

半夏

二兩
湯洗七次

縮砂仁

二兩

白朮

二兩

澤瀉

二兩

檳榔

二兩

右為末水煮麩糊丸如梧桐子大每服七八十九溫
生薑湯送下不拘時候服

沉香中和丸 治痰飲氣痞嘔吐涎沫粥藥難停

沉香

半兩

丁香

半兩

肉豆蔻

半兩
炒煨熟

半夏

半兩
雨湯洗七次生薑製

木香

半兩

吳茱萸

半兩

湯洗
焙乾

白茯苓

半兩
去皮

水銀

半兩

硫黃

半兩
并水

銀研結炒子
星盡為度

人參

半兩

右為細末生薑汁煮麩糊為丸如小豆蔻大每服三

四十九生薑湯空心時服

半夏溫肺湯 治心腹中脘痰水冷氣心下汪洋嘈雜
常多唾口中清水自出脇肋脹痛不欲食此胃氣虛
冷所致其脈沉弦細遲

旋復花

半兩

細辛

半兩

桂心

半兩

人參

半兩

甘草

半兩

陳皮

半兩

桔梗

半兩

芍藥

半兩

半夏

半兩
製

赤茯苓

三分

右咬咀每服四錢水一盞生薑七片煎至七分溫服

食後

檳榔散 治胃膈停滯痰飲腹中虛鳴食不消化或加

嘔逆或臂痛項痛

檳榔

一兩

半夏

一兩湯
泡七次

杏仁

一兩去
皮尖炒

桔梗

一兩
去蘆

剉炒

橘紅

一兩

旋覆花

一兩去
枝梗

乾薑

一兩
炮

白朮

一兩

人參

半兩

甘草

半兩
炙

右咬咀每服四錢水一盞半生薑五片煎至八分去

滓溫服不拘時候

桂心湯 治下痰飲散風邪止涎嗽通耳鼻宣關竅利

咽膈清頭目解胃脘進飲食

桂

二兩去麤皮

細辛

二兩去苗土

乾薑

二兩炮

人參

二兩去蘆

白茯苓

二兩去皮

甘草

二兩炙

五味子

三分

陳皮

三分去白

半夏

三分湯浸七次細切如豆不搗

白朮

三分

右件除半夏外搗羅為麤末再同拌勻每服二錢水

二盞煎至一盞去滓食前溫服

丁香五奪丸

治胃氣虛弱三焦痞澀不能宣行水穀

故為痰飲結聚胃臆間令人嘔吐惡心脹滿不食頭
目昏眩胃膈脹滿咳嗽氣急嘔逆脹疼伏於中脘亦
令臂疼不舉腰腿沉重久而不散流入於脾脾惡濕
得水則不能消化水穀又令腹中虛滿而不食也

南星

一兩每個切作十餘塊用半夏煮水浸三日
須是每日換水次用白礬二兩研碎調入水

內再浸三日
洗淨焙乾

半夏

一兩

乾薑

一兩
炮

良薑

一兩

白朮

一兩

茯苓

一兩

丁香

半兩
不見火

青皮

半兩
去白

陳皮

半兩
去白

木香

半兩

右為細末神麴一兩大麥蘖二兩同打糊為丸如桐
子大每服五十九至七十九溫水下不拘時常服脾
胃去宿冷消宿滯化飲食辟霧露風吹山嵐瘴癘非
時不正之氣但是酒癖停飲痰水不消累服湯藥不
効者服之如神

橘皮湯

指出直
指方

治胃停飲痰

半夏

五兩
製

茯苓

三兩

陳皮

三兩

細辛

三兩

青皮

三兩

枳殼

三兩
製

桔梗

三兩

甘草

三兩
炙

旋復花

二兩
去萼

人參

二兩

右為散每服三錢水一盞半生薑五片煎至一盞去

滓食後服

薑椒湯

出千
金方

治胃中積聚痰飲飲食減少胃氣不足

咳嗽嘔吐

薑汁

七合

蜀椒

三合

桂心

一兩

附子

一兩

甘草

一兩

橘皮

二兩

桔梗

二兩

茯苓

二兩

半夏

三兩

右咬咀以水九升煮取二升半去滓納薑汁煮取二升分三服不効再服欲服他散及五奪丸必先此湯及進黃芪丸佳一方不用甘草

化痰鐵刷丸

出御藥院方

治男子婦人風痰酒痰茶痰食

痰一切痰逆嘔吐痰逆頭疼目昏眩脾痿哈膿聲如拽鋸並皆治之常服此藥化痰墮痰止嗽定喘

白附子

半兩炮

南星

半兩炮

半夏

半兩湯洗

白礬

半兩生用

寒水石

一兩炒

乾生薑

七錢半

硃砂

一錢

輕粉

一錢

皂角

一兩去
皮子

右為末麴糊為丸如桐子大每服二三十丸食後生

薑湯下

前胡飲 治痰飲嘔逆頭目不利

前胡

去
蘆

赤茯苓

去
皮

陳橘皮

湯浸去
白焙

人參

旋覆花

枇杷葉

炙去
毛

半夏

湯浸七次
去滑等分

右剉如麻豆大每服五錢水一盞半生薑七片煎至

七分去滓溫服食後良久服

滌痰九

出御藥院方

治三焦氣滯痰飲不利胃膈痞滿咳

唾稠濁面目熱赤肢體倦怠不思飲食常服升降氣

滯清膈化痰

木香

一兩

檳榔

一兩

青皮

一兩 去白

枳殼

一兩 麩炒

去穢

京三稜

一兩 煨剉碎

大黃

一兩 濕紙

蜜煨令香熟

半夏

一兩 湯洗七次

黑牽牛

二兩 微炒

右為細末麩糊為丸如桐子大每服四五十九食後

生薑湯下

化痰丸 治停痰宿飲

人參

一兩去蘆

白茯苓

一兩

半夏

一兩湯浸七遍別研細末

桔梗

一兩切作小塊薑汁浸

白朮

一兩

白附子

半兩

前胡

半兩

枳實

半兩

甘草

半兩

右為末用半夏薑汁煮糊為丸如梧桐子大薑湯下

三四十丸

旋復花湯

主胃膈痰結唾如膠不下食者

烏頭

五枚去皮熬

旋復花

二兩

細辛

二兩

前胡

二兩

甘草 二兩
炙

茯苓 二兩

半夏 一兩
洗

生薑 八兩

桂心 四兩

右切以水九升煮取三升分為三服忌羊肉錫海藻

菰菜生葱酢物豬肉冷水等

檳榔散 治胃膈痰飲腹中虛鳴食不消化或加吐逆

檳榔 一兩

人參 一兩
去蘆

半夏 一兩
湯洗七次去滑

桔梗 半兩
去蘆

杏仁 半兩
湯浸去皮尖雙仁麩炒黃

乾薑 一分
炮製

碎剉

橘皮 三分
湯洗去白穰焙

甘草 半兩
炙微

赤
劉

白朮
一
兩

右搗篩為散每服五錢以水一大盞入生薑半分煎至五分去滓不忌時候溫服一方有旋覆花

白金散

治清利肺能下痰止煩惱

方見肺臟門脾臟壅熱類一名白金湯

治心下有水

方見本門支飲類一名澤瀉湯

新法半夏湯

治脾胃氣弱痰飲不散嘔逆酸水腹肋

脹滿頭旋惡心不思飲食

縮砂仁
一
兩

神麴
一
兩

草菓仁
一
兩

橘紅
一
兩
去白

丁香

兩半

白豆蔻仁

兩半

甘草

二兩生炙

大半夏

兩四

湯洗七次每個

切作兩片用

白礬末

一兩沸湯浸一晝夜漉出別用

湯洗七次去礬候乾一片作兩片再用薑自然汁於銀盆中浸一晝夜却於湯中頓用薑汁乾盡以

慢火焙燥為末再用生薑自然汁搜

成餅日乾或焙乾炙黃勿令色焦

右為細末每服一錢用生薑自然汁調成膏入炒鹽

少許沸湯服

木香半夏丸 治痰涎上壅惡心胃膈不利常服消痰

飲

木香

七分半

半夏

一兩湯洗七次切片焙乾

陳皮

半兩去白

白茯苓

半兩

乾生薑

半兩

白附子

半兩

人參

半兩

草豆蔻仁

半兩

右為細末麴糊和丸如梧桐子大每服二三十丸生

薑湯下不拘時候

木香檳榔丸

出衛生寶鑑

治疏通三焦寬利胃膈破痰逐

飲快氣消食通潤大腸

木香

一兩

檳榔

一兩

枳殼

一兩

杏仁

一兩去皮

尖麩

炒

青皮

一兩
去白

半夏麩

二兩

皂角

二兩
去皮

酥炙

郁李仁

二兩
去皮

右為末別用皂角四兩用漿一碗搓揉熬膏更入熟

蜜少許和丸如梧桐子大每服五十九溫生薑湯下

藿香中和丸

出御藥
院方

治痰不消胃膈痞悶頭目昏痛

嘔吐酸水或心腹滿痛急情嗜臥痰癖氣塊

藿香葉

一兩

陳皮

一兩
去白

丁香

半兩

人參

一兩
半

半夏

二兩
生薑
製作麩

白茯苓

二兩

白朮

二兩

巴豆

一兩半去皮與陳皮同炒令巴豆黑色提出巴豆不用

右為細末麪糊為丸如菴豆大每服三四十丸食後

生薑湯下

破痰消飲丸

出危氏方

治一切停痰留飲其効甚速

青皮

一兩洗

陳皮

一兩洗

川薑

一兩炮製

京三稜

一兩

灰炮撻碎用

蓬朮

一兩灰炮撻碎

良薑

一兩濕紙裏煨

草菓

一兩麪裏

炮

半夏

三兩湯泡七次

右並焙乾為細末水煮糊為丸如桐子大陰乾每服

五十九薑湯或熱水不拘時一方無半夏

欖榔利膈丸

出楊氏家藏方

化痰除五飲開痰厥上攻痰涎

壅滯呼吸喘促仰臥艱難牽風注外迫寒喉閉肺痿
勞喘咳嗽並皆治之

欖榔

一兩半

木香

一兩

人參

一兩半

半夏

四兩湯洗

七次

杏仁

一兩半水煮去皮

青皮

一兩半

桔萋

三個炒去穢

桔梗

一兩半

牽牛

三兩頭末

肉桂

半兩

右為末薑汁並水煮糊為丸每服三十九食後薑湯

下

半夏煮散

出王氏博濟方

治胃冷有痰嘔逆不思飲食及中

酒後大宜服此

半夏

十六分湯洗十度

木通

十六分

前胡

六分去蘆

頭

白朮

茯苓

六分去皮秤

陳橘皮

六分

湯洗去穢

欖榔

六分

官桂

五分去麋

皮

枳殼

三分麤炒去穢用

旋覆花

五分

去萼仁

右一十味搗羅為末每服三錢生薑二片水一大盞煎至八分去滓空心服餘滓再煎日午服

芎辛散

出百一選方

治塵寒痰盛清頭目辛丑年葛丞相

苦此踰月語音不出服茈胡之類亦不能去醫者云是燥用此藥數服而愈

川芎

一兩

細辛

一兩

防風

一兩

桔梗

一兩

白芷

一兩

甘草

一兩

羌活

一兩

桑白皮

半兩

右為細末每服二錢水一鍾半生薑二片薄荷三葉

煎至七分不饑不飽時溫服

前胡半夏湯

指出直指方

治痰盛

前胡

三分

半夏

製三分

茯苓

三分

陳皮

二分

木香

二分

紫蘓

二分

枳殼

製二分

甘草

炒二分

右剉散每服三錢薑五片烏梅少許水一盞煎至八

分去滓不拘時候服

豁痰丸

指出直指方

治頑痰壅寒

南星

三兩

半夏

二兩各剉

大片用濃皂角水浸一宿焙乾為末

白附子

一兩

川靈脂

一兩

直僵蠶

一兩
炒
去絲

華陰細辛

一兩

白礬

一兩
煨
枯

全蝎

三錢
半
燂

右為末皂角醬和麪糊為丸如梧桐子大每服二三

十丸薑湯下

調胃白朮澤瀉散

出拔
草方

治痰病化為水氣傳變水蠱

不能食

白朮

澤瀉

芍藥

陳皮

茯苓

生薑

木香

檳榔

右等分為末每服二小錢匕更量病勢虛實加減臨時消息一法加白朮本藥各半治腹上腫如神若下痞者加枳實若下實者加牽牛末

一方

出千金方一名積柳飲

治胃中痰飲腸中水鳴食不消嘔

水

檳榔

十二枚

生薑

四兩

杏仁

四兩

白朮

四兩

半夏

八兩

茯苓

五兩

橘皮

三兩

右咬咀以水一斗煮取三升去滓分三服

又方

出御藥院方

治諸瘡胃中痞悶痰逆嘔噦並宜服之

藿香

一兩

甘草

炙一兩

草豆蔻仁

一兩

橘皮

去皮一兩

厚朴

一兩去皮

生薑

一兩去皮

半夏

一兩洗三味同搗爛焙乾

右為麤末每服三錢水一盞生薑五片棗二枚煎至

七分去滓食前溫服

又方

出百一選方

治遠年痰飲發作有時諸藥未効者

丁香

二錢半

枳殼

二錢半麤炒黃

木香

二錢半

半夏

半兩湯洗

七次

縮砂仁

半兩

陳皮

半兩去白

白茯苓

半兩

右為細末每服四大錢匕水一盞半煎八分食前熱服可斷根

寬中祛痰丸

出德生堂

治男子婦人飲食過飽色慾太多

喜酸鹹作成痰飲於胃膈滿則嘔噫惡心流則臂膊大痛升則頭目昏眩降則腰脚重痛沉則左癱右瘓輕則猛然倒地此藥寬中理氣祛痰搜風又名祛風化痰丸

半夏

四兩湯泡七次曬乾研為末用生薑自然汁和作餅子陰乾

荊芥穗

一兩

白礬

二兩
枯

麻黃

四兩
去節淨用

槐角子

一兩
麩炒

陳皮

一兩
洗去

白

朱砂

一兩
研細水飛過一
半入藥一半為衣

右為末生薑自然汁糊丸梧子大每服三十丸空心

臨臥皂角子仁炒黃同生薑煎湯下忌食豬羊血豬

肉桑鵝麋蒜黃瓜茄子等物一方用蘿蔔汁為丸

南星湯

出百一
選方

南星

半兩

半夏

半兩

枳殼

半兩

桔梗

半兩

防風

半兩
去蘆

甘草

半兩
生

赤芍藥

一兩

右為麤末每服五錢水二鍾生薑七片漫火煎至七

分去滓溫服

化痰延壽丹

一名五福壽命丹又名長壽丹

治酒醉解醒專治酒痰

食痰寬胃利膈一切積氣

天麻

兩半

枸杞子

一兩半

白礬

一兩半半生半熟

人參

一兩

半夏

一兩半湯洗七次用

乾生薑

一兩

半

右為細末好糯酒拌勻如沙糖用餠餅劑蒸熟去皮

杵臼搗四五十杵使九如乾入酒三四點九如小豆
大每服三五十丸生薑湯下一方溫水送下食後臨

臥服

白木湯

出醫方
大成

治胃中虛損及痰吐者

半夏麴

白朮

錢一

檳榔

二錢
半

木香

錢一

甘草

錢一
炙

茯苓

錢一

右為末每服二錢生薑湯調下食前服

水煮金花丸

出濟生
拔萃方

治有痰泄痢不止甚則嘔而

欲吐利下而不能食由痰羈絆脾胃之間

半夏

一兩
湯洗

天南星

一兩
洗

天麻

半兩

寒水石

一兩

燒存
性

雄黃

二錢
半

白麴

六兩

右為末滴水為丸如桐子大每服百丸先沸漿水內下藥者令浮為度漉出生薑湯食前下一方改寒水石為輕粉少許

六物湯

治痰氣上攻頭旋目暈嘔吐胸膈不快及治

痰瘧潮作寒熱往來頭痛不止

白朮

一兩 焙

人參

一兩 去蘆

赤茯苓

一兩 去皮

半夏

一兩 湯洗

七次

橘皮

一兩 洗淨焙

枳殼

一兩 去穢炒

右碾為麝末每服五錢水二盞生薑五片同煎至八

分去滓溫服不拘時候日進三服

白朮茯苓丸

出御藥院方

治三焦氣滯停痰不消胸膈痞

悶腹脇脹滿欬涎甚咽嗝乾痛心忪悸動頭目眩

暈寒熱時作肢節痛疼嘔吐清水神昏多倦不欲飲

食

白茯苓

半兩

白朮

半兩
白者

天南星

一兩

白附子

一兩

白礬

三分

半夏

三兩
並生用

右為細末白麴糊丸如桐子大每服二三十九薑湯下不拘時候

藿香散

一名藿香湯
出和濟方

治溫脾胃化痰飲消宿食止嘔

吐胃膈痞滿腹脇脹痛短氣噎悶欬嘔痰水噫醋吞酸嘔噦惡心兼治山嵐瘴氣

藿香葉

一兩

厚朴

一兩
去麁皮並製

半夏

一兩
切四

片薑汁浸一宿
粟米炒黃用

甘草一兩炙

陳橘皮半兩

去白

右為散每服二錢水一鍾生薑三片棗一枚去核同煎至七分去滓少熱服不拘時候日進二三服

沉香墮痰九

一名小半夏丸
出御藥院方

治宿飲不消咽膈不利

咳嗽痰涎頭目昏暈嘔逆惡心胸膈不快

檳榔

大者二枚
麩裏煨熟

半夏麴

二兩

木香

二錢

沉香

二錢

青皮

二錢半
去白

右為末生薑汁浸蒸餅和九如小豆大每服二十九

生薑湯下不拘時候

加減二陳湯

出澆
察方

治痰飲為患或嘔吐惡心或頭眩

心悸或中脘不快或發為寒熱或因食生冷脾胃不和並宜治之

丁香

一兩

半夏

五兩

陳皮

五兩

茯苓

三兩

甘草

一兩
半

右咬咀每服四錢水一盞半生薑三片烏梅一枚同

煎至七分去滓溫服惡甜者減甘草不用或治痞疾
加草豆蔻麴裏煨熟一兩半

滾痰丸

治諸痰疾為患胃膈痞悶心神不寧頭目眩

暈不美飲食常服滋潤腸胃安心神

大黃

半斤
蒸熟

黃芩

半斤去
腐淨

青礞石

一兩用
硝煨

沉香

半兩

上好硃砂

三兩
研

右為末滴水丸如麻子大硃砂衣每服七十九食後
臨臥白湯送下溫茶清送下亦可漸加至一百丸

化痰丸

出瑞竹堂

治頑痰不化

青石

一兩水飛

石碌

半兩水飛

右為細末麴糊為丸如菴豆大每服一十九溫湯下有痰即吐去一二碗不損人

新法半夏湯

出仁存方

治脾胃不和中脘氣滯宿寒留飲

停積不消心腹刺痛腸腹膨脹吐嘔痰水噫醋吞酸
或中吐酒噦逆惡心頭疼煩渴倦怠嗜臥不思飲食
並宜服之

青皮

大兩
去穢

乾薑

六兩
炮

桔梗

一斤
炒

陳皮

一斤
去白

丁香

四兩

甘草

十二兩
炒

半夏

二兩半
薑汁製

右為細末每服一錢鹽一捻沸湯點不時常服和三

焦開胃消酒進食

止嘔九

出御藥
院方

治停寒積飲嘔吐痰水無問冷熱不

下食者服之必愈

沉香

半兩

丁香

半兩

木香

半兩

吳茱萸

半兩

湯洗
焙乾

半夏

半兩湯洗七
次生薑汁製

水銀

一兩

硫黃

一兩二味研砂
子星盡為度

右為末生薑糊丸如菉豆大每服二三十丸生薑湯

不拘時候服

導痰湯

出百一
選方

白茯苓

桂心

半夏

湯洗
七次

乾生薑

橘紅

枳殼

炒
香

甘草

右等分為末入生薑三片煎至七分非時溫服

細辛五味子湯

出百一
選方

細辛

一兩

白茯苓

一兩

白朮

一兩

人參

一兩

甘草

一兩

乾薑

一兩

五味

三兩

右為飲子每服三錢水一大盞煎至八分去滓食後服

辰砂祛痰丸

治酒食過鹹酸作成痰飲於胃中凝則

嘔逆惡心流則一臂痛頭目昏眩腰脚疼痛深則左癱右瘓淺則蹶然倒地此藥神効

半夏

四兩

生薑

四兩製過
作餅陰乾

槐角

一兩
炒黃

陳皮一兩
去白

白礬一兩
生

荊芥一兩
去土

硃砂一兩
水飛

一半入藥
一半為衣

右為末煎生薑湯作糊丸如梧桐子大每服五十九
生薑皂角仁湯下空心一服臨臥一服忌動濕麪豬

肉油膩

觸痰丸 專治痰

枳殼半兩
兩

茯苓半兩
兩

南星半兩
兩

半夏半兩
兩

風化硝二錢
錢

僵蠶二錢
半

全蝎三箇
個

右為細末薑汁為丸每服五六十丸薑湯送下不拘

時候

吳茱萸湯

出千金方

治胸中積冷心嘈煩滿汪汪不下飲

食心胸硬背痛

吳茱萸

三兩

半夏

四兩

桂心

二兩

人參

二兩

甘草

一兩

生薑

五兩

大棗

十枚

右咬咀以水九升煮取三升去滓分三服日三服

梅青丸

出御藥院方

治平胃氣止咳嗽利咽膈化痰涎

青黛二錢半

半夏四兩湯洗七次

硝石三兩

桔梗一兩

天南星一兩生

蛤粉一兩雨

白礬半兩

右為末水浸蒸餅丸如豌豆大每服五六十丸食後

生薑湯下

破飲丸出和濟方

治一切停飲不散時嘔痰沫頭眩欲倒

膈腕不快

旋覆花八兩

白朮一斤一兩

肉桂六兩去皮

乾薑六兩炮

赤茯苓七兩去皮

枳實二兩麩炒

右為末麪糊丸如梧桐子大每服五十九熟水下

暖胃丸

出仁
存方

治去虛痰利冷飲

硫黃

一兩
研

白礬

一兩
同炒

丁香

一兩

茴香

一兩
炒

木香

一兩

半夏

二兩
薑汁炒

右為末薑汁煮麪糊丸桐子大每服二十九空心米

湯下

天仙飲

出直
指方

治痰注臂痛

片子薑黃

六錢

天仙藤

三錢

羌活

三錢

白朮

三錢

白芷稍

三錢

半夏

半兩

右剉每服三錢薑五片煎服間下千金五奪丸

白朮半夏湯

出簡易方

治胃虛停痰飲惡心中腕刺痛腸

脇攪痛頭目昏暈肢體倦怠

半夏

二兩

陳皮

三兩

赤茯苓

一兩

白朮

一兩

丁香

一兩

肉桂

半兩

右咬咀每服三錢水一大盞生薑五片煎取八分去

滓服

療痰飲氣隔食則嘔吐方

茯苓

八分

橘皮

六分

甘草

四分

生薑

八分

雞蘓

六分

人參

四分

右切以水五升煮取一升五合去滓分溫二服令相去如人行六七里進一服忌海藻松菜酢物

茯苓飲

一名參苓飲
出三因方

主心胃中停痰宿水自吐水出

後胃膈膨脹氣滿不能食消痰氣令能食

茯苓

三兩

人參

三兩

白朮

三兩

生薑

四兩

枳實

二兩
炙

橘皮

二兩
半

右切以水六升煮取一升八合去滓分溫三服如人行八九里進之忌酢物桃李雀肉等物一方無枳實沉香四倍丸治痰飲兩臂疼痛腰腿沉痛

木香

半兩
雨

青皮

四兩
去穢

白朮

三兩

半夏

四兩
湯洗

次七

沉香

半兩
雨

黑牽牛

半兩
頭末

右為極細末生薑自然汁煮麴糊為丸如梧桐子大每服三十九生薑湯下食後服

丁香半夏丸

出危氏方

治脾胃宿冷胃膈停痰嘔吐惡心

吞酸噫醋心腹痞滿脇肋刺痛氣短噎悶不思飲食

肉豆蔻仁

一分

木香

一分

丁香

一分

人參

一分

陳皮

一分
去白

藿香葉

半兩

半夏

三兩湯洗七次薑汁製炒

右為細末生薑汁煮麴糊為丸如小豆大每服二十

丸生薑湯下不拘時

小半夏湯

一名茯苓半夏湯出御藥院方

治諸嘔噦心下痞堅膈間

有痰水眩悸

方見本門留飲類

赤茯苓九

出御藥院方

治痰氣痞

赤茯苓

去皮

枳實

麩炒去穢

半夏麴

檳榔

白朮

各等分

右為細末生薑汁麴糊為丸如梧桐子大每服五十丸食後溫生薑湯下或風眩頭痛則荆芥湯下

五苓散

出三因方

假令瘦人臍下有悸者吐涎沫而宿水

也

豬苓

三兩去皮

白朮

三兩

茯苓

三兩

桂心

二分去皮

澤瀉分五

右五味水煎不拘時日三服每服時須令微汗不過

數服愈忌桃李雀肉葱醋等物

茯苓九

出德生堂

治痰飲為梗令人手臂背疼痛胃膈痞

塞神効

半夏

二斤

赤茯苓

半斤

白茯苓

半斤

枳殼

半斤炒

朴硝

四兩飛過

右為細末生薑汁打麴糊為丸如梧桐子大每服三

五十九生薑湯食後臨眠服氣實者加七十九

枇杷葉散

出聖惠方

治痰飲發即煩悶不安兼吐痰水

枇杷葉

一兩拭去毛淨炙微黃

人參

一兩去蘆頭

半夏

一兩湯洗

七次去滑

陳橘皮

一兩去白

白朮

一兩

右搗篩為散每服三錢以水一盞入生薑半分煎至

六分去滓不拘時候溫服

潤肺丸

出御藥院方

治肺不調欬嗽聲重日久不止痰涕

結搏咽嗑不利心神煩燥頭目昏重精神不爽心忪

煩悸喉中呀呷逐氣有聲一切痰實並皆治之

硃砂

二兩
水飛

五靈脂

二兩
微炒

苦葶藶

一兩

杏仁

一兩
去皮

尖
麩
炒

半夏麴

一兩

右為末生薑汁麴糊為丸如桐子大每服四十九食後生薑湯下

大半夏丸

出御藥
院方

治消痰順氣咳嗽

半夏

六兩

桑白皮

一兩

生甘草

一兩

皂角

八兩
槌碎

生薑

八兩
判碎

右先將五味用水五升同煮汁盡取出半夏焙乾為末次用下項

青皮

一兩

檳榔

一兩

木香

一兩

郁李仁

一兩

湯浸去皮別研與前半夏末拌勻

右為細末生薑自然汁打白麴糊為丸如梧桐子大每服三十九食後生薑湯下

枳實半夏丸

出御藥院方

治消痰順氣利胃膈進飲食

枳實

一兩麴炒黃色去糠

半夏

一兩半湯洗七次切作片子焙乾

白朮

三分

蓬莪朮

半兩

白茯苓

一分
去皮

右為細末用生薑汁煮麴糊為丸如梧桐子大每服
六七十丸陳橘皮湯下不拘時候

化痰丸

出瑞
竹堂

治快脾順氣化痰消食

半夏

洗

南星

去皮
膜

白礬

皂角

切
碎

生薑

右各一斤重用水同煎至南星無白點為度揀去皂
角不用將生薑切作片同半夏南星陰乾不見日色

火焙再加

青皮

去穢

陳皮

去白

紫蘓子

炒

蘿蔔子

炒別

研

乾葛

杏仁

去皮尖炒別研

神麴

麥蘖

炒

唐菟子

香附子

右件已上半斤淨與前藥合和一處碾為細末生薑

自然汁浸餗餅打糊為丸如梧桐子大每服五七十

九臨臥食後茶酒送下

敵痰丸

出瑞竹堂

治痰盛寬胸膈快氣

黑牽牛

三兩

皂角

二兩去皮弦
火中微燒

白礬

一兩
枯

半夏麴

一兩
炒

陳皮

一兩
去白

右為細末煮蘿蔔為丸如梧桐子大每服四五十丸
臨臥淡薑湯下

南星半夏丸

出經効
濟世方

治痰開胃

天麻

半夏

天南星

炮去
火毒

人參

白附子

右等分內半夏天南星倍之俱各為末半兩用生麴

一兩滴水為丸每服百十九於沸湯中煮浮漉出用
生薑湯吞下食前服不拘時候

療膈散

一名吐痰方
出聖惠方

治心上結痰飲食寒冷心悶

瓜丁

二十
八枚

赤小豆

二十
枚

人參

一分去
蘆頭

甘草

一分

右篩酒服方寸匕日二亦治諸黃一方用薑汁調服

紫芝丸

出百一
選方

治痰

五靈脂

粒粒取全
者去砂石

半夏

湯洗七次慢
浸令心透

右等分為末生薑汁煮浸蒸餅為丸如梧桐子大每

服二十九至三十九生薑湯或茶湯食前下空心臨

臥時服

半夏丸

出十便良方

治消下痰涎

九製半夏

老生薑

各等分同搗研如泥焙乾

右搗為末用生薑汁打糊為丸如梧桐子大每服三

十九生薑湯下食後服

二陳湯

出仁存方

治痰飲為患或嘔吐或頭眩心悸或中

脘不快或發為寒熱或飲酒過多脾胃不和

半夏

五兩洗
七次

橘

五兩

白茯苓

三兩

甘草

一兩
半炙

右為散每服四錢水一盞薑七片烏梅一箇煎六分
去滓熱服不拘時候一方傷寒後不敢進燥藥者用
此快脾則飲食倍進易得復常治痰疾加草菓如半
夏之數仍嘔紅丸子因酒食所傷發為黃疸亦加草
菓嘔紅丸子多服取効嘔吐者加丁香如甘草之數
惡甜者減甘草吐甚者兼服手流丸仍用半夏為細
末每一兩入丁香檳榔各一錢旋以生薑自然汁九

如梧桐子大又水煮半夏丸先以水二盞煎沸次下
九子煮令足一時挑服用藥汁嚥下煩燥者於二藥
並去丁香仍服養正丹或來復丹黑錫丹之類候大
便利無不見効嘔家不以溫藥微利大便則無由愈
此數藥皆有硫黃能溫利之秘甚用加味感應丸若
先自溇利是為虛寒不宜用此可於理中湯震靈丹
方中求之妊婦惡阻產科用茯苓湯茯苓丸作快脾
之劑服者病反增劇不若用此極有神驗餘見四物

湯并紅九子方中一方加竹茹同煎食前服

溫中化痰丸

一名二薑丸
出和濟方

治停痰留飲胃膈滿悶頭

眩目暈好臥減食欬嗽嘔吐氣短惡心或飲酒過多
或飲食無度或過傷生冷痰涎並多噦醋噫酸亦治煖
脾胃散寒氣

青皮

五兩
去穢

良薑

五兩
去
蘆炒

乾薑

五兩
炮

陳皮

五兩
去白

右為細末醋打麴糊為丸如梧桐子大每服三五十
九粒米湯任下不拘時候或生薑湯亦可一方又為

末每服二錢水一盞薑四片煎七分溫服不拘時候

溫胃化痰丸

出御藥院方

治腹間有寒脾胃停飲胃中不

快痰涎不盡

半夏

三兩

橘皮

二兩 去白

乾薑

二兩 炮

白朮

二兩

右為末生薑汁麴糊為丸如桐子大每服二十九溫生薑湯下不拘時候

蠲飲枳實丸

出御藥院方

治逐飲消痰導滯清膈

枳實

三兩 麴炒去穢

半夏

三兩 湯洗七次

陳橘皮

三兩 去白

黑牽牛

半斤

末三兩餘取
頭滓不用

右為細末水煮麴糊為丸如梧桐子大每服五十九
生薑湯下不拘時候

除痰丸

出御藥
院方

天南星

二兩
炮

半夏

二兩湯
洗七次

皂角

一大定去皮弦子
用水一大盞搽汁

蛤粉

一兩
微炮

右為細末以皂角汁調麴糊和丸如梧桐子大每服
三十九食後生薑湯下漸加至五十九臨臥更進一

服忌甜物

二麴丸

出百一選方

治脾虛痰盛不思食妙甚

神麴

半斤為末棗肉搜成餅子候乾慢火炙

半夏

半斤為末生薑自然汁捏成餅子候

乾慢火炙

右為末棗肉丸如桐子大每服五十丸姜湯下不拘時候

治痰證看人眼有黑暈多者是

木鱉子

白芥子

甘遂

大戟

右等分水糊為丸如梧桐子大每服十九薑湯下

消痰倍木丸 治胃虛五飲酒癖頭痛眩胃乾嘔飲流

腸間動則有聲

白朮

五兩

削木

三兩

桂心

一兩

乾薑

四兩

右為末麴糊為丸如梧桐子大每服三十九溫米飲

送下食後服

半夏化痰丸

一名半夏丸出衛生家寶方

治主痰實惡心嘔吐頭

目昏暈心忪背寒臂痛涎嗽胃膈不快

半夏

一兩
去滑

赤茯苓

半兩
去皮

白礬

一分
枯

鉛白霜

半兩

右為末生薑汁打麴糊為丸如梧桐子每服十五丸

薑湯下

茯苓湯

出千
金方

治胃膈痰滿

茯苓

四兩

半夏

一斤

生薑

一斤

桂心

八兩

右㕮咀以水八升煮取二升半分四服冷極者加大

附子四兩若氣滿者加檳榔三七枚忌酢物羊肉生

葱猪腸

普濟方卷一百六十四

欽定四庫全書

普濟方卷一百六十五 明 周王朱橚 撰

痰飲門

一切痰飲

桔梗湯

一名半夏湯

除痰下氣治胃膈脹滿寒熱嘔噦

心下堅痞短氣煩悶痰逆惡心或吐涎沫飲食不下
亦治順陰陽消痞滿消酒化痰

桔梗

十兩細碎微沙

半夏

十兩洗七次薑製

陳皮

十兩去白

枳實

五兩 麩炒赤黃

右為細末每服三錢水一盞生薑五片煎至七分去

滓溫服無時一方用烏梅一箇煎

出危氏方

桂苓甘露飲

出衛生家寶方

治痰涎止咳嗽調臟腹寒熱嘔

吐流濕潤燥令人氣順胃和平及療水腫泄利不止

桂

半兩

人參

半兩

茯苓

一兩

白朮

一兩

甘草

一兩

葛根

一兩

石膏

一兩

寒水石

一兩

澤瀉

一兩

藿香葉

半兩

木香

二錢

滑石

右為細末每服三錢白湯調下或新水生薑湯亦可

飛礬丹

出百一選方

化痰神効

飛過枯礬

二兩北礬絳礬尤佳如無只用通明南礬

白僵蠶

一兩

半一兩生半兩

熟米醋浸一宿

天南星

一兩切作片子用皂角柳水浸

一宿來日就銚子熬

半夏

一兩生薑製一宿

看以水盪為度

右同為細末薑汁糊為丸如梧桐子大亦得每服十

五九至二十五九生薑湯下亦治喉閉用薄荷二葉

新汲水浸少時嚼薄荷吞藥以水送下如咽不得即

以十五粒搗細用皂角水調灌下即開又治小兒急慢驚風牙關緊閉不可開者亦用皂角水調塗牙齦

上入喉即活

神仙化痰丸

出百一選方

亦治風秘甚効

天南星

四兩

丁香

一兩

摘紅

二兩

半夏

四兩同南

星二味生薑皂角各四兩水五升同煮水盡去薑及皂角不用

右為細末白水麴糊和丸如梧桐子大每服三十九

生薑湯下食後服

下痰丸

出百一
還方

橘紅

四兩

白朮

一兩半

半夏

一兩
薑製

天南星

二兩

炮

右為細末薑汁煮麴糊為丸如梧桐子大每服四十丸薑湯下不拘時

快活丸

出危
氏方

常服消食化痰養生之家不可缺韓倅

子髦方

枳殼

一兩半
炒

桂

一兩

桔梗

二兩

半夏

湯洗
七次

二兩

右為末薑汁糊丸如梧桐子大每服二十九薑湯食後下日進一二服此藥消痰塊寬胃膈美飲食

滾金丸

出百一選方

治痰積中脘眩暈吐嘔頭疼惡心時

吐酸水

乾薑

一兩不炮

真橘皮

一兩

天南星

一兩生用

半夏

一兩熱湯洗

洗

右先用生薑一兩不去皮搗爛製半夏南星末作麪

却用餘藥共一處以生薑自然汁為丸如梧桐子大
又以雄黃少許為衣不拘時候薑湯下三五十九臨
卧服尤佳一方無半夏

滌痰丸

出瑞竹堂

治男子婦人遠年日久積聚痰涎或飲

酒食後吐唾日久面黃饑瘦皮膚枯澀眼無神光又
治偏正頭風如一月服三五服至老無風癰之疾

豬牙皂角

一兩依皂角製法

枳殼

二兩五錢一兩半火炒一兩生用

黑牽牛

二兩末

好皂角

不出蛀老損者一十兩水浸一宿去皮弦火炙黃色取淨

末二兩
五錢

右件用朴硝五錢井花水泡開不用滓末澄清硝水
為丸如梧桐子大每服五十九臨卧井花水下量人
虛實加減丸數服之

治痰涎氣急

杏仁

知母

貝母

甘草

各等分

右剉每服三錢水一盞糯米一撮煎至八分去滓溫
服

四七湯

出危氏方

治七情氣鬱結聚痰涎狀如破絮或如

梅核在咽喉間咯不出嚥不下並治中脘痞滿痰涎

壅盛上氣喘急

半夏

五兩

茯苓

四兩

紫蘇葉

二兩

厚朴

三兩

右判散每服四錢水一盞薑七片棗一枚煎八分不拘時候若因思慮過度陰陽不分清濁相干心氣不足小便白濁用此藥下清青白丸子最効婦人惡阻尤宜服之一名厚朴半夏湯一方又用半夏五兩人

參官桂甘草各一兩生薑煎服名七氣湯大治七氣
并心腹絞痛然藥味太甜恐未必能止疼順氣一方
治七情所傷中脘不快氣不升降腹脇脹滿用香附
子炒半斤橘紅六兩甘草一兩煎服尤快好事者謂
其耗氣則不然蓋有是病服是藥

茯苓九

一名指迷茯苓
九出危氏方

本治臂痛其指迷方中云有

人臂痛不能舉手足或左右時復轉移由伏痰在內
中脘停滯脾氣不流行上與氣搏四肢屬脾脾滯而

氣不下故上行攻臂其脉沉細者是也後人為臂痛乃痰證也但治痰而臂痛自止如婦人產後發喘四肢浮腫遂用此藥而愈

半夏

二兩

茯苓

一兩

枳殼

半兩去穢炒

風化朴硝

一分

右為末薑汁糊丸如梧桐子大每服三十九生薑湯下風化朴硝時未易成但以朴硝撒在竹籃中少時成水置當風處即如芒硝刮取用亦可昔有人為痰所苦夜間兩臂覺有人抽牽兩手戰灼至於盞茶

亦不能舉隨服隨愈痰藥方多立見功效者未有如
此神効人之氣脉常欲周流以衛護榮養其身也
凡一日一夜呼吸出入計一萬三千五百息血行於
身八百一十度周流不息五十度而復大會如環無端
焉是以習禪者趺坐究意觀想學仙者吐納引導按
摩其知道者不為血氣所使所反所以運其血也其
或喜怒哀樂不中節起居飲食失其常皆令營衛否
齟氣血敗濁為痰為涎為飲諸證生焉結狀於胃膈

則眩暈忪忪悸愎癢閉否膈喘嗽氣急停滯於關節
則筋脉攣急肢節疼痛手足彈曳寒熱往來三者同
原而異治痰則伏於包絡隨氣上浮客於肺經因喘
發涎則伏於脾原隨氣上噎口角流出唯飲則生胃
腑為嘔為吐宜詳甄別也

治痰飲冷氣上衝胃膈滿悶吐逆不下飲食

出聖
惠方

甘草

一兩炙
微赤剉桂心二
兩

半夏

一兩湯洗
七次去滑

右為散每服三錢水一中盞薑半分煎至六分去滓

不拘時溫服

治心下有水不散胃中痰飲不能下食宜服此方

出聖惠方

白朮

一兩

澤瀉

二兩

半夏

一兩湯洗七次去滑

右為散每服三錢水一中盞薑半分煎六分去滓不拘時溫服

治痰飲胃膈不利宜服此方

一名天南星九出聖惠方

半夏

三兩

天南星

二兩

白礬灰

一兩

右先以半夏天南星二味醋漿水煮一日曬乾搗羅

為末研入白礬灰令勻以蒸餅和丸如梧桐子大每服不計時以生薑湯下二十九日三服

倍朮丸

出直指方

治五飲酒癖一曰留飲停在心下二曰

癖飲水在兩脇下三曰痰飲水在胃中四曰溢飲溢在膈上五臟間五曰流飲水在腸間動搖漑漑有聲皆因飲酒冒寒或飲水過多所致及痰飲膈間虛滿留滯痰飲食即惡心常欲吐逆腹中時鳴脇下多悸轉側有聲小便不利水漬胃中大便溇泄肢體煩倦

不思飲食

乾薑

半斤
炮

肉桂

半斤
去皮

白朮

一斤

右為末煉蜜為丸如梧桐子每服二十九溫米湯下

加至三十九空心日二服一方加附子除乾薑肉桂

玉塵散

出百一
選方

治大人小兒痰實咳嗽氣促喘滿咽

膈不利

天南星

去皮

半夏

各用湯洗七
次切片焙

桑白皮

自
採

土下
音

桔梗

各等
分

右為麤末每服三錢水一盞半生薑如錢大七片煎至八分去滓溫服不拘時候一方加五味子各等分

人參枳殼湯

出御藥院方

治消痰利膈下氣潤腸胃消導

一切氣

人參

一兩去蘆頭

枳殼

一兩麩炒去穢

陳皮

三兩去白

半夏

二兩半湯洗七

次

右咬咀作一劑每用藥二兩半一服水二大盞半先揚水二百一十遍生薑一錢已熬至六分去滓食後

溫服如大便秘加白蜜少半匙再熬蜜消服之

茯苓湯

一名甘草湯
出三因方

治心疼不行鬱而生涎胃脇支

滿目眩胃中有痰氣也

茯苓

四兩

桂心

三兩

白朮

三兩

甘草

二兩炙

右為散每服四大錢水一盞半煎至七分去滓溫空心服小便利則愈或嘔痞眩悸以半夏五兩茯苓三兩每服四大錢薑七片煎或半夏一味薑十片煎亦良病人臍下有悸涎盛而眩與五苓散痰迷心孔如

癰癤狀與紅九子辰砂衣煎橘葉湯濃煎下一名小

鎮心丹

大半夏湯

出御藥院方

治痰飲及脾胃不和

半夏

二錢半

陳皮

二錢半

白茯苓

二錢半 去皮

右咬咀生薑二錢半細切水二鍾半煎一盞去滓臨

卧溫服如熱痰加甘草少許胃不和去甘草加陳皮

白礬丸

出仁存方

治停痰宿飲風氣上攻胃膈不利

半夏

一兩

白礬

半兩 為末

香附

一兩 皂角 水浸透

右為末生薑自然汁糊丸如桐子大每服三四十丸

薑湯下

葉氏清壺丸

出簡易方

治痰飲

半夏

一斤

天南星

半斤

神麴

半斤

右為末生薑自然汁和餅焙乾每麴四兩入白朮枳

實四兩丸如梧桐子大每服五十九薑湯下

枳實半夏湯

出唐漆方

治痰飲停積頭目昏重嘔噦惡心

胃膈痞悶欬嗽氣塞項背拘急

半夏

一兩

橘紅

一兩

枳實

半兩

右咬咀加生薑煎服一方每服四錢生薑十片水一

盞煎七分溫服

橘皮

二兩

天南星

四兩

草菓子

四兩炮去皮

右咬咀每服四錢薑二十片水二盞煎一盞去滓食

前空心服

玉液散

出御藥院方

治胃虛有痰咳嗽嘔逆不思飲食煩

燥惡心

半夏

十兩湯洗七次

生薑

一兩細切去皮

陳粟米

一兩揀淨

右同焙乾研為末每服二錢水二盞薑三片同煎六

分溫服不計時候一方無生薑煎

控涎丹

出仁存方

治凡人忽患胃背手脚頸項腰膂隱痛

不可忍連筋骨牽引鉤痛坐卧不寧痰飲停積胃腹

結為塊喘滿不安痛連胃脇時時走易不定俗醫不

曉謂之走注便用風藥及灸針皆然無益又疑是風

毒結聚欲為癰疽亂以藥貼亦非也此乃是痰涎伏

在心膈上下變為此疾或令人頭痛不可舉或神意
昏倦多睡或飲食無味痰唾稠粘夜間喉中如鋸聲
多流睡涎手脚重墜冷氣脾脉不通誤認為癰瘰亦
非也凡有此疾但以是藥不過數服其疾如失

甘遂

紫大戟

去皮

白芥子

真者各等分

右為末煮糊為丸如梧桐子大曬乾食後臨卧淡薑
湯或熟水下五七丸至十九丸如痰猛氣實加丸數不
妨其効如神以下利去痰飲為愈

天香飲子

出百一
選方

宿砂仁

三兩

天南星

四兩
湯洗

香附子

四兩
擦淨

右咬咀每服四錢生薑十五片水二盞煎至八分食

前服或用薑糊丸亦得

神仙墜痰丸

出瑞
竹堂

治痰壅胃痞氣膈此藥下痰

黑牽牛

一斤取頭
末四兩

皂角

無虫蛀者去皮弦
酥炒黃色去子淨

一兩
六錢

生白礬

一兩
二錢

右為細末清水為丸如梧桐子大每服三五十丸漸

加至百九空心調酒下看病輕重病重者五日十日

一服病輕者半月一月一服永無癰瘰之疾

神聖餅子

出瑞竹堂

治痰及一切頭風

豬牙皂角

一錢炮存性淨末

玄胡索

一錢淨末

青黛

半錢研

右為細末滴水為丸如梧桐子大捏作餅子曬乾每服用一餅新水化開男左女右仰面用葦筒鼻內灌之口咬銅錢一十五文待涎出頭風更不再發

神朮九

出直指方

治痰飲妙

茅山蒼朮

一斤米泔浸一宿去皮切作片焙乾為末

大棗

十五枚煮

取肉研旋入麻漿拌和藥

生麻子

半兩水二盞研細取漿

右為末丸如梧桐子大晒乾每服五七十九空心溫

湯下

三倍丸

出御藥院方

治溫中下氣胃膈痞悶止痰逆嘔吐

腹脇脹痛

半夏

三兩生薑梨

青皮

二兩去白

木香

一兩

右為末生薑汁麴糊為丸如梧桐子大每服三十九

不拘時生薑湯下

小半夏湯

出千金方

治病心腹虛冷遊痰氣上胃膈脇滿

不下食逆者

半夏

一斤

生薑

一斤

橘皮

四兩

右咬咀以水一斗煮三升分三服若心中急及心痛
內桂心四兩若腹滿痛內當歸三兩羸瘦者及老人
尤宜服之一方用人參二兩仲景無橘皮人參

三仙九

出醫方集成

治中脘氣滯胃膈煩滿痰涎不利頭

目不利

天南星

生去皮

半夏

沸湯泡七次與天南星各五兩礱為細末用生薑汁和不可太

軟但手捏得聚為度攤在篩內用精葉蓋之令黃色曬乾收之須是五六月內做麴如醬黃法

香附子

五兩畧炒於磚上磨去毛

右用南星半夏麴餅子二兩淨香附子一兩同為細末水煮麴糊和丸如梧桐子大每服二十九食後臨卧生薑湯送下

人參化痰丸

傳信適用方

治痰

右以半夏大者切四塊先以湯浸七遍却以蘿蔔切作大片拌勻用水慢火煮直候嘗其味不襲人方止焙乾去蘿蔔不用入人參等分為末水浸蒸餅丸如梧桐子大生薑湯下食後服

玉粉丸

出振萃方

治氣痰欬嗽脉澀面白氣上喘促酒漸

寒熱悲愁不樂

南星

一兩湯洗

半夏

一兩湯洗

橘皮

二兩去白

右為細末湯餗餅和丸如梧桐子大每服三十九人

參生薑湯食後下局方中桔梗湯亦可

橘皮茯苓丸

出經初濟世方

降氣消痰寬膈和胃進美飲食

去濕利水

橘皮

半斤去穰候乾秤四兩為末取生薑汁和為餅子曬乾

白茯苓

三兩

枳實

半兩微炒

右為細末麪糊為丸如梧桐子大每服五六十丸溫

熟水食後下

白朮丸

出按革方

治痰食欬嗽脉緩面黃肢體沉重嗜卧

不起腹脹而食不消局方中防已丸亦可

南星

一兩
湯洗

半夏

一兩
湯洗

白朮

一兩
半

右為細末湯浸蒸餅和丸如梧桐子大每服五七十丸薑湯食後下

吳仙丹

一名茅
苓丸

治痰飲上氣不思飲食小便不利頭

重昏眩

白茯苓

赤者
亦可

吳茱萸

湯泡去
各等分

右為末煉蜜和丸如梧桐子大每服三十九不拘時

候熟水下酒飲亦可常子正中丞苦痰飲每啖餐食飽或晴陰變率同十日一發頭痛背寒嘔吐酸汁即數日伏枕不食如千金大五飲九之類皆不効宣和初為順昌司祿於太守蔡公安持達道席上得此方服之遂不再見每遇飲啖過多腹滿服五七十九三兩時便旋已作茱萸氣酒飲隨小水而去前後痰藥甚衆無及此者梅揚卿方只將茱萸酒浸三宿以茯苓細末拌之乾每服百餘粒湯酒任下

療痰飲頭痛往來寒熱方

恒山

一兩

雲母粉

二兩

右為散熟湯服方寸匕吐之止若吐不盡更服生葱
生菜深師方用雲母半兩

橘皮半夏湯

出仁存方

治脾胃弱好食酸冷寒痰停積嘔

逆惡心涎唾稠粘或積吐粥藥不下手足逆冷目眩
身重又治傷寒時氣欲嘔不嘔欲吐不吐昏憤悶亂
或飲酒過多中寒停飲喉中涎聲乾嘔不止痰壅涎

嗽久不已者常服養液潤燥解肌熱止嗽

陳皮

七兩
去白

半夏

七兩
煮

右剉散每服三錢生薑十片水二盞煎至一中盞去滓溫服不拘時候兩滓併煎

大人參半夏丸

出宣
明論

治化痰墜涎止嗽定喘或風痰

酒痰茶痰食痰一切痰逆嘔吐痰厥頭痛或風氣壅頭目昏眩或耳鳴鼻塞咽膈不利心腹痞悶筋脉拘急體倦麻痺不知疼痛常服宣通氣血清利頭目調和臟

腑美進飲食

方見咳嗽
門痰嗽類

川芎九 治膈上有痰

川芎

二兩細碎
慢火焙熟

川大黃

二兩蒸
令極熟

右為末用不蛀皂角五七挺溫水揉盡絹濾去滓瓦
器內熬成膏和丸如菴豆大每服十五丸生薑湯下

小兒三九

化痰涎方

明礬

一兩
枯過

白僵蠶

半兩去
頭腳絲

右為末研生薄荷令爛為丸如菴豆大每服二十九
薄荷湯下日三服

一方治風氣膈上痰飲

右用不開口苦瓠湯煮三五沸以物裹熨心上膈

法製白半夏 治觸冒感寒咳嗽消飲化痰壯脾順氣

右用上好半夏湯洗七遍去臍輕焙乾再洗如此七
遍用濃米泔浸一日夜取出控乾每半夏一兩用白
礬一兩半研細溫水化浸半夏上淹水兩指許頻攪

冬月放煖處五日夜取出輕焙乾用鉛白霜一錢溫水化又浸一日夜通七日盡取出再用漿水於慢火煮勿令滾候漿水極熟取出控乾放銀石或磁器內存貯每服一兩粒細嚼溫生薑湯下食後一法依前製成半夏每一兩用白礬水少許浸半夏細飛硃砂末淹一宿飲乾焙用依前法可用生薑汁清焙用

搜飲丸

右用木瓜一箇切下頂作罐兒去穰用生白礬半夏
麴等分為細末填在木瓜內却用原頂蓋定用麻縷
剉縛於飯甑上炊兩次爛研以宿餗餅為丸不拘多
少但和得聚即止如梧桐子大每服三五丸生薑
湯下不拘時候

一方治積聚痰飲不下食嘔逆及腹內諸疾

右以續隨子研碎酒服之不過三顆當下惡物

赤石脂散 治痰飲盛吐水無時節病源為冷飲過度

遂令固冷脾胃虛羸不能消食飲食飲入胃皆變成
冷水反吐不停者

赤石脂

三斤

右擣下篩服方寸匕日三酒飲並可稍稍加至三七
服盡三斤則終身不吐水又不下利補五臟令肥健
有人素患痰飲諸藥不瘥惟服此一斤則愈或薑湯
調服亦可

天南星丸 治痰飲

右以天南星不拘多少先燒一地坑令通紅以酸醋
潑之置南星於內物覆其上又以泥土泥合勿令泄
氣經一夕取出去赤皮為末再以半夏末以薑汁為
糊丸南星如梧桐子大每服三四十食後生薑湯
下

製半夏法

右用齊半夏二斤河水洗七遍白礬二斤為末用醋
漿水三碗同入磁甕中浸用退皮濕柳棒折二寸麤

長二尺一根攪一十遍候四十日嘗試如不戟喉方
成取出用布袋盛沉至井底十日取出曬乾每服一
兩粒生薑湯嚼下或細細嚼服亦得

二賢湯 治痰以橘皮為主須用真洞庭陳者溫水浸
去其內穰白取紅一斤甘草鹽各四兩水五碗慢火
煮焙乾搗為細末點服又古方用陳橘紅四兩炙甘
草一兩為末湯點服以治痰極有驗世醫但知用半
夏南星枳實茯苓之類何足以語王璆使君外舅莫

強中服之腹痛利下物數塊如鐵彈子臭不可聞舊時食後胃滿之疾豁然頓愈

弔痰膏

右用皂角二斤水五碗煎至一碗去滓淨一碗內再熬成一鍾於塘灰上用紙倒膏在紙上用半夏醋煮過成膏子入皂角膏內和勻明礬三兩末同和入松楊柿搗為丸如彈子大噙化

一方 治痰壅嘔逆心胃滿悶不下飲食

右用厚朴一兩塗生薑汁炙令黃為丸非時粥飲調下二錢

一方 治主胃中伏熱下氣清痰下食
右陳皮半兩熬作末如茶法煎呷之

一方 治胃膈壅滯去痰開胃

右用半夏淨洗焙乾搗羅為末以生薑自然汁和為餅子用濕紙裹於慢火煨令香熟水兩盞用餅子一塊如彈子大九入鹽半錢煎取一盞溫服能去胃膈

壅逆大壓痰毒及治酒食所傷其効神驗

治痰潤心肺

右用貝母為末沙糖為丸含之嗽自止

半星丸

出經効
濟世方

右以南星半夏各四兩為末爛薑半斤研搗剉半星
為丸以楮葉裹縛却於草中卷之如治麴法候乾去皮入
香附子四兩為末薑汁麴糊為丸如梧桐子大每服
三四十丸食後生薑湯下

生犀九

出肘後方

治痰清目進飲食

右以川芎十兩繫小者粟米泔浸三日取出切片子
日乾為末作兩料每料入麝香香腦各一方生
犀半兩重湯煮蜜搗為丸如小彈子大茶酒嚼下一
丸痰加硃砂半兩膈壅加牛黃一九水飛鐵粉一分
頭目昏眩加細辛一分口眼歪斜加炮天南星一分
烏巴九

出經驗良方

治胃膈間久年頑痰為害積成痰氣

面目青白色無時浮腫全不進食遍身疼痛夜間上

壅不得睡卧往來寒熱手足疼痛不能轉側前後用
南星半夏黑錫靈砂不計服數墜之則不下取之則
不出此是痰母堅滯宜用此藥須臾利下頑痰如魚
凍如未利再服此藥洞利可卜終身無痰疾矣

大烏梅肉

三兩

巴豆

五粒去
皮殼膜

右用水二碗於瓦石器內將烏梅慢火煮爛候水稍
乾入巴豆在內將竹篦攪直候如乾糊方住火攤冷
研爛就丸如菴豆大每服七九九九二十一或十

五九薑湯下

治膈壅風痰

用半夏不拘多少酸漿浸一宿溫湯洗五七次去惡
氣日中曬乾搗為末漿水搜作餅子日乾再為末入
生腦子一錢研勻以漿水和作丸如雞頭大紗袋盛
通風處陰乾每服一九煎好茶或薄荷湯下

祛風丸

出衛生
家寶方

有人味喜鹹酸飲酒過多色慾無戒

作成痰飲聚於胸膈滿則嘔逆惡心涎流一臂麻木

升則頭目昏眩降則腰脚疼痛深則左癱右瘓淺則
蹶然倒地此藥寬中祛痰搜風理氣和血駐顏延年
益壽

半夏

四兩生薑四兩一
處拌作餅陰乾

白礬

一兩
生用

荆芥

四兩
去土

槐角子

一兩麩
炒黃

陳皮

一兩
去白

硃砂

一兩
水飛

半入藥
半為衣

右為細末用四兩生薑汁麩糊為丸如梧桐子大每
服三十九生薑湯或皂角子仁湯送下早晚臨卧一

服

韻薑餅子

出楊氏家藏方

溫中降氣破飲逐痰療酒食過傷

肢體怠惰除口氣爽心神如酒病尤宜服之

半夏

四兩為末生薑汁搜和作餅子焙乾為末再用薑汁和焙如此三遍為度

檀香

一兩半

生薑

一斤切作片子以青鹽二兩研細同淹一宿於日中曬乾如無

青鹽只

用食鹽

杏仁

湯洗去皮研成膏二兩

右為細末用白麴二兩蜜水煮糊入杏仁在內搜和

以印子脫諸花樣如錢大每服一二錢細嚼沸湯送

下

參橘丸

出朱氏
果驗方

壯脾進食消飲下痰

人參

二兩

神麴

二兩

半夏

二兩
七次炮

縮砂仁

二兩

麥藥

二兩

白茯苓

四兩
去皮

橘紅

一斤去白用生薑
一斤同搗曬乾

右為細末薑汁打糊為丸每服五十九薑湯下熟水

亦得

平胃丸

出朱氏
果驗方

平胃消痰

平胃散

四兩

半夏

四兩
薑製

好棗

一百枚

燈心草

一小

把

右水一大碗煮候棗爛去燈心草用棗去皮核取肉
為丸如梧桐子大每服五十九薑湯下

安脾散

出朱氏
集驗方

白朮

白豆蔻仁

炒

香附子

炒

人參

甘草

右等分白湯點服

平肺散

出楊氏
家藏方

用獐猪肉四兩起薄作三片以皂角三寸將水浸後
拭去水用膩粉二錢擦入肉內以濕紙裹煨至五更
時爛嚼以淡薑湯或桑白皮煎湯下至日午瀉下痰
涎是病根也

白朮湯

保命
集方

治痰潮上如湧水久不可治者

白朮

白茯苓

半夏

各等
分

右為末每服半兩病大者水二盞生薑煎至一盞取
清調神麴末二錢頓服之病甚者下玉壺丸一百九

大効永除根

枳殼湯

出保命集方

治久痰胃膈不利者多上焦發熱

枳殼

三兩麤炒去穢

桔梗

三兩

黃芩

一兩半

右同剉每日早用二兩半水三盞煎至二盞勻作三服午時一服申時一服臨卧時一服三日七兩半藥盡服生半夏湯

半夏丸

出保命集方

治因傷風而痰作喘逆兀兀欲吐惡

心欲倒已吐加檳榔三錢

半夏

一兩湯洗切

雄黃

三錢研

右同為末生薑汁浸餗餅為丸桐子大生薑湯下小

兒丸如黍米大

天麻九

出保命集方

天麻

一兩

半夏

南星

雄黃

少許

右以白麴二兩滴水為丸如桐子大每服五十九至

百九煎淡水令沸下藥煮十餘沸漉出食前生薑湯

下

玉粉丸

出保命集方

治痰結咽喉不利語音不出

半夏

洗五錢

草烏

炒一錢

桂

炙一錢

右用為末生薑汁浸餗餅為丸如雞頭大每服一九

至夜含化多歲不愈者亦効

加減黃連解毒丸

出海上居士秘方

治肺痿壅熱下寒氣胃

膈不利痰涎食飲不欲脛酸腿困行步艱難膈痛咽

乾便溺赤黃陰痿腿膝困倦常服愈効

黃連

半兩

當歸

二錢半

芍藥

二錢

大黃

一兩

黃芩

一兩

滑石

二兩

黑牽牛

一兩頭
末微炒

右為細末水九如豆大每服四十九百沸湯送下食
遠臨卧忌酒乾薑胡椒等物

人參前胡散

出御藥院方

治痰氣客於上焦嘔吐胸中痞

悶不欲飲食頭目昏眩並皆治之

前胡

二兩
去苗

人參

二兩

紫蘇葉

二兩

赤茯苓

二兩

陳皮

半兩
去白

半夏

半兩
洗切

甘草

半兩

木香

半兩

枳殼

半兩
炒去穢

右為麤末每服三錢水一大盞半生薑七片同煎至

一盞去滓溫服不拘時候病愈即止服

濟生導痰湯

出醫方
集解

治一切痰涎壅盛或胃膈留飲

痞塞不通

半夏

四兩湯洗
七次去滑

天南星

一兩炮
去皮

枳實

一兩去
穢麤炒

赤茯苓

一兩
去皮

橘紅

一兩
去白

甘草

半兩
炙

右為呖咀每服四錢水一盞薑十片煎至八分食後

溫服

半夏利膈丸

出德生堂

化痰墜涎定喘止嗽除嘔逆痰厥

頭疼風氣之證

白朮

一兩

人參

一兩

白茯苓

一兩

白礬

一兩

滑石

一兩

貝母

一兩

天南星

一兩半生

白附子

二兩

生

半夏

三兩炮洗

木香

一兩

右為細末水糊為丸如梧桐子大每服三五十丸生

薑湯無時下

四倍丸

出德生堂

治諸痰證多驗兼療手臂背疼痛

木香

一兩

陳皮

二兩

茯苓

四兩

半夏

八兩

洗炮

右為末生薑汁打糊為丸如梧桐子大每服五七十

丸溫酒無時下

辰砂化痰丸

出德生堂

治風氣上攻頭目昏眩痰涎壅盛

心神不定此藥主之

白礬

半兩飛過

辰砂

半兩研飛

南星

一兩炮

半夏

三兩洗炮

用生薑汁和作餅子曬乾為末

右為末生薑汁打糊為丸如梧桐子大以硃砂為衣

每服二十五丸生薑湯食後服小兒三二丸生薑薄

荷湯下

消痰丸

出德生堂

治痰壅為患

牽牛

取頭末四兩一
半炒一半生

槐角子

半兩

青皮

半兩

半夏

一兩湯洗
七次焙乾

皂角

一兩肥不蛀者
去皮子炒黃色

右為末生薑麴糊丸如小豆大每服二十九加至三

十五丸卧後生薑湯下

三生丸

出德生堂

治氣痰壅上不升降胃膈悶塞不通

皂角

一斤去皮子

牽牛

二斤頭末

白礬

半斤

蘿蔔子

半斤

炒

青木香

半斤

右為末煮蘿蔔水麪糊為丸如梧桐子大每服三五

十九溫水食後臨卧服大便下痰方見効

半夏利膈丸

出德生堂

治風痰酒痰茶痰食痰氣痰諸痰

為苦致令手臂肩背胃膈俱痛吐出痰如結核黑色腥臭者此藥主之

牽牛

取頭末四兩內一半炒

皂角

二兩不蛀肥者去皮子酥炙

檳榔

一兩
麩煨

齊州半夏

一兩
製

青皮

二兩
去皮

槐角子

半兩
炒

右細末生薑打麩糊為丸如梧桐子大每服三十丸

至五十九生薑湯或溫水食後服

醉鄉寶屑

傳信通
用方

能寬中化痰治嘔吐惡心醒酒醉

後雅宜隨意服之

陳皮

四兩

縮砂

四兩

紅豆

一兩
六錢

甘草

二兩
錢

生薑

一斤已上
並咬咀

鹽

一兩

丁香

一錢
剉

白豆蔻仁

半 一兩

巴豆

八粒不去殼
用鐵線穿定

右九味同用水煮焙乾去巴豆不用

消飲丸 利膈下痰散飲去滯

半夏

一兩湯洗七次

陳皮

半兩焙

青皮

半兩焙

枳實

半兩去穢

麴炒

乾葛

半兩焙

生薑

半兩炒

右為細末薑糊為丸如梧桐子大每服五七十九茶酒任下親戚沈開祖方余今常服之

小黃丸 化痰止涎除濕和胃氣胃中不利

黃芩

一兩

乾薑

半錢

白朮

五錢

半夏

五錢
湯洗

薑汁
製

澤瀉

二兩

黃芪

三錢

陳皮

三錢
去白

青皮

三錢
去白

右為細末湯浸鉦餅為丸如菉豆大每服三五十丸
食遠溫水送下一方無青陳皮

黃芩利膈丸

除胃中熱利膈止痰

生黃芩

一兩

炒黃芩

一兩

南星

三錢

半夏

半錢

黃連

五錢

枳殼

三錢

白朮

二錢

陳皮

三錢

澤瀉

錢五

白礬

錢半

右件為細末湯浸餗餅為丸如梧桐子大每服三五十九溫水食遠送下忌酒濕麪

半夏湯 治痰飲不利胃膈痞悶不思飲食

半夏麪

一兩

神麪

微炒一兩

麥蘖

炒半兩

甘草

二兩

生薑

六兩去皮濕紙裹慢火煨熟切作片子爛研同上四味捏作餅子

杏仁

一兩半

丁香

半兩

陳皮

鹽

炒四兩

右為細末每服一二錢沸湯點之

消飲丸

茯苓

三兩

乾薑

三兩炮

白朮

八兩

枳實

半兩炒

右為末煉蜜丸如梧子大每服十五丸米飲下

溫肺丸

治脾胃不和胃膈停痰嘔吐惡心吞酸噫醋

心腹痞滿咳嗽不止頭目昏痛

白朮

一兩

丁香

一分

乾薑

一兩炮

半夏

二兩湯浸

七遍生薑汁
浸一宿焙乾

右件同搗羅為末生薑汁煮麴糊和丸如菉豆大每

服二十九生薑湯下腹痛食前嘔吐逆食後

生犀半夏九 治心肺疼熱盛氣促咳嗽

生犀屑

半兩入磁臼中搗為細末

白茯苓

一兩去皮半夏一兩用生

薑四兩去皮細切同搗令爛製作餅

桂心

七錢半

右件為細末以生薑自然汁煮麴糊為丸如菉豆大每服三十九生薑人參湯下食後

生薑橘皮丸 升降滯氣消飲去痰溫中散寒快膈美

食

陳橘皮

一斤 去白

生薑

一斤 洗 薄切片

神麴

二兩 微炒

右件同為細末麴糊為丸如梧桐子大每服五七十丸至百丸米飲熟水送下食後無間長幼皆可服

聖金九

治停痰宿飲上喘咳嗽嘔逆頭痛全不入食

半夏

用生薑自然汁浸兩宿取出切成片子新瓦上焙乾

威靈仙

淨洗

去根土 焙乾 秤

右件各三兩為細末用不蛀皂角五七定河水一碗揉皂角為汁濾去滓用銀石器內熬成膏和上件藥

九如萊豆大每服七九至十九生薑湯下空心日午
臨卧各一服至一月飲食增進為驗忌茶

梅膏九 化痰止咳嗽定喘消停飲

烏梅

四兩

巴豆

十四枚去殼用水三碗同烏梅
一處煮水盡留巴豆七粒同烏

梅肉研
為膏

白礬

一兩
生用

半夏

二兩湯洗
七次焙乾

葶藶子

一分
炒

款冬花

一分

皂角

一分炒黃
去黑皮秤

馬兜鈴

一分

人參

一分去
蘆頭

右件為細末入膏子內圓如萊豆大每服五七丸用

生薑湯送下食後服如喘促痰嗽煎桑白皮蘿蔔湯

下

生半夏九 化痰利膈尤治嘔

半夏

一兩湯洗七次

檳榔

一錢

丁香

一錢

右為細末生薑自然汁煮薄糊為丸每服三十九食後薑湯吞下一法小銚內滌令熱傾入盞內小匙挑服仍啜其汁嚥之

壞痰九 治痰涎壅盛服藥未退頭重心煩飲食不下

硃砂

分二大

寒水石

半兩猛火燒透赤好
酒內淬五七次取出

定粉

分一大

水銀

二分大分將定粉於盞內與水銀
同研旋旋滴水冷研令似乳汁

用

蜜陀僧

分一大

半夏

半兩熱酒洗一度
薑汁浸一宿用

龍骨

分一

右件七味為末生薑自然汁煮麪糊為丸如菉豆大
研好硃砂度過每服一九至二九生薑龍腦水下不
嚼

人參半夏丸

陸痰化涎

半夏

一兩生薑四兩取汁先以湯洗半夏七遍浸三日後於日內晾乾切作片子焙乾用

北礬

一兩研

赤茯苓

一兩去皮

天南星

半兩生用

人參

二錢半

右件五味同杵為細末篩羅以蒸餅水浸過却用紙裹煨熟為丸如菜豆大每日空心夜卧用淡生薑湯下十五丸開胃口薑棗湯下風涎皂角一寸薑三片蘿蔔三片同煎湯下

開胃九子

出護命方

人參

一兩

半夏

半兩薑汁製煮

右為末以京棗肉丸如梧桐子大非時熟水下十五
九

丁香半夏丸

出十便
良方

溫益肺胃思進飲食治咳嗽嘔

吐胃膈痞滿消痰飲癖止心嘈煩

半夏

二兩

白朮

一兩

丁香

一分

右搗羅為細末以薑汁煮麴糊為丸如桐子大每服
二十九用薑湯下一名溫白丸

服蒼朮法

出十便
良方

北方常服化痰消堅殺虫予患癖飲三十年多嘈雜
痰飲上潮即吐有時急飲酒半杯即止蓋合此證也
因讀巢氏病源論酒癥云飲酒多而食穀少積久漸
瘦其病常思酒不得酒則吐多唾不復能食胃中有
虫使然名為酒癥此藥治之要之須禁酒即易治不
禁無益也予平生有二疾一則臟腑下血二則膈中
停飲下血有時而停飲則無時始因年少時夜坐為
文左向伏几是以飲食多墜向左邊中夜以後稍困

乏必飲兩三杯既卧就枕又向左邊側睡氣壯盛時殊不覺三五年後覺酒止從左邊下漉漉有聲脇痛飲食殊減十數日必嘔數升酸水暑月止是右邊身有汗微微常潤左邊病處絕燥遍訪名醫及海上方服之少有驗間或中病止得月餘復作其補則如天雄附子礬石其利則如牽牛甘遂大戟備嘗之矣予後復度之已成癖囊如潦水之有科臼不盈科不行水盈科而行也清者可行濁者依前停滯蓋下無路

以決之也是以積之五七日必嘔而去少寬數日復作脾土惡濕而水則流濕莫若燥脾以勝濕培土以填科曰則疾當去矣於是悉屏諸藥一味服蒼朮三月而疾除自此一向服數年不吐不嘔胃膈寬快飲食如故暑月汗周體而身涼飲亦當中下前此病處少汁目亦多昏眩其後燈下能書細字皆蒼朮之力也其法蒼朮一片去皮切末之用生香麻油半兩水二盞研濾取汁大棗十五枚爛煮去皮核研以麻油

勻研成稀膏搜和入臼熟杵丸如梧桐子大乾之每日空腸用溫湯吞之五十九增至一百九二百九忌桃李雀鵲初服時必膈微燥但以茅朮制之覺燥其進山梔極有力亦自然不燥也山梔數用山梔子一味乾之為末沸湯點服故知多坐不可伏在一邊時或行動亦消息之法

參蘇飲

出如
宜方

治陰陽痞膈氣結凝痰為熱

木香

半兩

枳殼

半兩

桔梗

半兩

甘草

半兩
炙

陳皮 半兩 製

蘇葉 七兩

乾葛 七兩

半夏 七兩 製

前胡 七兩

人參 七兩

茯苓 七兩

右以咀薑七片棗六枚煎熱多痰稠鼻塞宜金沸草

散

金沸草散 出鮑氏方

治有熱多頭目昏重痰涎壅塞大便

堅而燥

荊芥 四兩

旋覆花 三兩

前胡 三兩

麻黃 三兩

甘草 一兩 半

半夏 一兩 半

赤芍藥 一兩 半

細辛 一兩 半

五味子

一兩半

杏仁

一兩半

右為散每服三錢薑三片棗一枚煎

大半夏湯

出如宜方

治氣鬱生痰聚結不散腸間漉漉有

聲及反胃嘔吐

半夏

製

人參

四錢

右以咀薑七片一方入蜜煎亦治膈間支飲

蘇子降氣湯

出如宜方

治虛陽上攻痰涎壅盛氣不升降

上盛下虛

方見喘門喘類

青靈丸

出如
宜方

治老人元氣衰弱痰氣上攻睡卧不安

靈砂

青州白九子

右薑汁糊為丸薑湯下又以靈砂一兩丁香木香胡椒各半錢為末杵九如萊豆大每服六十九薑湯下
名靈砂丹

八味丸

出如
宜方

治腎虛不能自養邪水溢上吐多痰唾

牡丹皮

三兩

茯苓

三兩

澤瀉

三兩

山茱萸

四兩

山藥

四兩

附子

三兩

桂

三兩

熟地黃

八兩

右末蜜丸如梧桐子大每服十五至二十五丸溫酒

空心日二服

四磨湯

出如
宜方

治七情鬱滯痰氣上壅喘急聲促

人參

檳榔

沉香

烏藥

等分

右用水磨濃共煎三五沸服

蜜煎主寒熱

出十
金方

蜜五合

恒山

二兩

甘草

二兩

右三味取二味咬咀以水一斗煮取二升去滓內蜜

五合溫服七合吐即止不吐更服七合勿與冷水一

方用甘草半兩

又方

出千金方

蜜

二合

醋

八合

右二味調和平旦頓服須臾腹內嘈雜苦意中不適
明旦更服無不大嘔安穩

星砂丸

出永類
鈴方

溫中化痰兼化宿滯生冷果實夏月

可配消暑丸

南星

四兩
洗焙

良薑

四兩
焙

砂仁

一兩

右細末薑自然汁煮麴糊丸如梧桐子大薑湯下又方只用南星砂仁二味

玉壺丸

出朱氏
集驗方

治一切痰疾

大半夏

二十
五兩

雪白南星

一十
五兩

右二件用野外地上清潔水滿浸逐日換水浸五日將半夏切作兩片南星大者切作六片中者切作四片再逐日換水浸五日足每五兩研細末生白礬一

兩添半夏南星則亦添礬却用井水浸須令水滿只此水浸一月日取半夏或南星嘗看以不麻為度如尚麻更浸候不麻漉起曬乾用和腳下水浸礬碾細收之每服七兩入全蝎七箇炒白附子二錢半為末炒甘草二錢和勻用炊餅乾末二兩半用生薑半斤研取自然汁煮炊餅末和為丸如梧桐子大或乾添些白湯為丸每服二三十丸隨意嚥下亦可此藥不問是何證候痰涎作壅或有異證風證小兒驚癇之

類應手而愈多服之無妨勿拘二三十九之說以薑

白湯將藥嚥下皆可無病人嚥服二三十九再加永

無痰症

半夏湯

出朱氏
集驗方

痰飲

南星

四兩

半夏

四兩

生薑

半斤

皂角

二定

右以白水淹過藥一寸許同煮乾仍用溫水浴過剉
片日乾為末入丁香縮砂各半兩甘草一兩半入熟
粟米半斤空心沸湯點服

煮浮九

出朱氏
集驗方

治痰壅眩暈

南星

生

半夏

生

防風

天麻

麴

生

右等分滴水為丸如梧桐子大先煮湯令沸滾方下藥四五十丸煮一二滾藥浮取漉出用薑湯吞下不

拘時候

玉液湯

出朱氏
集驗方

治痰疾

半夏

用揀好者不拘多少湯洗
白淨切作片如紙薄用

右每服半兩水二盞薑三十片慢火煎至七分濃磨沉香一盞傾入藥內再煎兩沸食後臨卧服

玉浮丸

出朱氏集驗方

治痰吐頭痛極妙

天南星

一錢半剉去皮

半夏

一錢半

陳皮

一錢去白

白朮

一錢

茯苓

一錢

附子

一錢去皮臍去

右件各生為末用生麴隨多少拌勻生薑自然汁丸如梧桐子大用滾湯煮熟次用藥現成湯加生薑自然汁下二十九不拘時候

白朮丸

出朱氏
集驗方

治痰飲以久服多服而後効

白朮

八兩

半夏

二兩
湯泡七次

赤茯苓

二兩
去皮

乾薑

二兩

肉桂

二兩
去皮

枳殼

二兩
麩炒

右為細末生薑自然汁煮麩糊為丸如梧桐子大服

多至二十九日三服

赤茯苓湯

出朱氏
集驗方

治停飲於胃胃怔忡不已

赤茯苓

一兩
去皮

半夏

一兩
泡

茯神

一兩
去皮

陳皮

一兩

麥子

一兩

沉香

兩

甘草

兩

檳榔

兩

右咬咀每服三錢水一盞薑五片煎七分空心服取
効

神効白朮丸

出衛生
家寶方

治壅喘嗽不下飲食

半夏

八兩湯泡洗
七次去滑

神麴

六兩

右為細末生薑自然汁和作餅子以紙裹當風處候
乾用麴一兩白朮一兩同為末生薑自然汁丸如梧
桐子大每服三十九薑湯下無時

四金丹

出衛生
家寶方

治風痰壅咳嗽不已

桔梗

炒一兩

防風

一兩

白礬

枯一兩

雄黃

半兩研

右為末水浸蒸餅丸如雞頭子大每服十粒綿裹含

化

硝礬丸

出衛生家寶方

治痰涎壅結咳嗽咽痛

白礬

焰硝

各等分

右為細末鉄鍋子內按實以生茶葉數片蓋之火煨
通紅伏火為度茶葉旋添直待伏火却連鍋子入地
坑一宿取出為細末糯米粥為丸如梧桐子大硃砂

為衣每服三九薑湯送下食後臨卧服

化痰丸

出衛生家寶方

治痰涼膈止嗽治頭眩

天南星

生用

半夏

生用

薄荷葉

人參

茯苓

白礬

右等分為細末生薑汁麴糊為丸如梧桐子大每服

三十丸生薑湯下食後服

煮朴丸

出衛生家寶方

治諸痰疾和中止嗽

厚朴

十二兩去皮秤細切

天南星

六兩取大者槌碎

大棗

六兩
拍破

半夏

六兩皮細
者槌碎

右四味用生薑一片切作薄片貯銀石器內水高藥三寸許慢火煮一日旋添水煮熟焙乾燥再入

白朮

六兩

人參

三兩

大香附子

六兩

青橘皮

六兩

並為細末用神麴煮糊為丸如梧桐子大食空臨睡生薑湯送下吞四十粒

鐵刷丸

出衛生
家寶方

化痰實寬利胃膈清頭目降氣止嗽

去停飲

圓淨半夏

四兩湯浸洗
七次焙乾秤

緊實檳榔

四兩

右為細末生薑自然汁煮麴為稀糊丸如菉豆大每服三十九淡薑湯吞下食後臨卧服小兒服七丸或別小丸亦得

導氣丸

出衛生
家寶方

治痰涎壅盛降氣逐風

半夏

二兩用皂角五定按汁
浸一宿控乾切作片子

南木香

半兩

赤茯苓

一分

紫蘇葉

半兩

白附子

一分

右為細末水煮麴糊為丸如梧桐子大食後每服三

十九生薑湯下不拘時

生胃丹

出朱氏
集驗方

生胃氣消痰沫開結寬膈進食

粟米

四兩溫水浸透炊作飯火焙氣垂熟用
生薑自然汁和濕再乾如是製七次

人參

一兩

粉天南星

二兩薑汁浸一宿次日再
用生薑汁和紙拌黃土泥

裹兩星曬乾黃泥用慢火煨半日
泥焦乾為度候冷取出南星入藥

白朮

三兩

茯苓

三兩

陳皮

一兩

白豆蔻仁

一兩

縮砂仁

一兩

麥蘖

一兩
炒

半夏麴

一兩

青皮

一兩

梔澄茄

一兩

石蓮肉

一兩

南木香

三錢

右件精揀製同為細末米粉糊為丸如菴豆大每服

五六十丸薑湯下食前服

妙應丸

出永類
鈴方

治老人一切虛寒痰癖積塊攻脹疼

痛

附子

一箇七錢重去
皮臍剝作雖子

硃砂

三錢用水一盞在
泥盆中火上熬乾

秤

木香

七錢
半

破故紙

一兩
炒

華撥

一兩

右以飛過硃砂末分在附子罐內却用所剝附子末

蓋口以水和白麴裹約半指厚慢火煨令黃熟去麴

同木香等為末將煨過熟黃麴醋調煮糊為丸如菜豆大每服二十九食後薑湯下

如神湯

出朱氏集驗方

治痰證嘔吐連日不効

半夏子

炒

神麴

不拘多少炒黃色去半夏留神麴

丁香

右用三味水一盞半煎至八分其藥自然成濃汁不妨通日服其疾即止用此藥下養正丹甚効

治痰飲下水腫及痰瘧

出本草

以接骨木根皮煮汁服之當利下及吐不可多服

治攝痰涎

出本
草

以益智仁含之佳

除痰止渴令人不睡

出本
草

以決明葉火炙作飲甚香

下痰

出本
草

以風痰母煎灸之

治嘔心逆膈痰唾

用蓮子乾者六枚炒令黃色為末以熟水半盞調服

即止

又方


用糟笋節中水汁和乳并牛乳飲之

治胃心痰飲傷寒熱病瘴瘧須吐者

以鹽末一大匙和暖湯送下須即吐不快明旦更服
甚良法也

導引法 養生方云左右側卧不息十二通療痰飲不
消又有餘病右側卧有飲病左側又有不消氣排之

左右各十二息療痰飲



普濟方卷一百六十五